

## গণপ্রজাতন্ত্রী বাংলাদেশ সরকার

জাতীয় রাজস্ব বোর্ড

সেগুনবাগিচা, ঢাকা

[ মূল্য সংযোজন কর ]

## প্রজ্ঞাপন

তারিখঃ ২৭ জ্যৈষ্ঠ, ১৪১৭ বঙ্গাব্দ / ১০ জুন, ২০১০ খ্রিষ্টাব্দ

এস, আর, ও নং-২০০-আইন/২০১০/৫৪৯-মুসক।— মূল্য সংযোজন কর আইন, ১৯৯১ (১৯৯১ সনের ২২ নং আইন) এর ধারা ৩ এর উপ-ধারা (৫) এর দফা (খ)-তে প্রদত্ত ক্ষমতাবলে জাতীয় রাজস্ব বোর্ড উহার ১৫ আষাঢ়, ১৪১৫ বঙ্গাব্দ মোতাবেক ২৯ জুন, ২০০৮ খ্রিস্টাব্দ তারিখের প্রজ্ঞাপন এস, আর, ও নং-১৮৯-আইন/২০০৮/৪৯১-মুসক রহিতক্রমে নিম্নবর্ণিত টেবিলের কলাম (১) এ উল্লিখিত শিরনামা সংখ্যার বিপরীতে কলাম (২) এ উল্লিখিত সেবার কোডের আওতাধীন কলাম (৩) এ বর্ণিত করযোগ্য সেবার, পরিধি নির্ধারণের লক্ষ্যে, ব্যাখ্যা প্রদান করিল, যথাঃ-

## “টেবিল

শিরনামা সংখ্যা	সেবার কোড	করযোগ্য সেবা
(১)	(২)	(৩)
S০০১	S০০১.০০ S০০১.১০	হোটেল ও রেস্টোরাঁ হোটেলঃ ব্যাখ্যা। - “হোটেল” অর্থ, কোন ক্লাবসহ, এমন কোন প্রতিষ্ঠান, সংস্থা বা স্থান যেখানে সাময়িকভাবে অবস্থানের জন্য কোন কক্ষ বা কক্ষসমূহের স্যুট বা অন্য কোন ধরনের আবাসন, উহাতে ক্যাটারিং এর ব্যবস্থা অথবা যে কোন নামে অভিহিত অন্য কোন সেবা, সুবিধা বা উপযোগিতার ব্যবস্থা থাকুক বা না থাকুক, ভাড়া দেওয়া হয় এবং ফ্লোর শো প্রদর্শনকারী কোন প্রতিষ্ঠানও এই সংজ্ঞার অন্তর্ভুক্ত হইবে।
	S০০১.২০	রেস্টোরাঁঃ ব্যাখ্যা। - “রেস্টোরাঁ” অর্থ, কোন ক্লাবসহ, এমন কোন প্রতিষ্ঠান, সংস্থা বা স্থান যেখানে অথবা যে কোন নামে অভিহিত অন্য কোন সেবা, সুবিধা বা উপযোগিতা প্রদান করা হউক বা না হউক, উহাতে বা অন্যত্র ভোগের উদ্দেশ্যে কোন খাদ্য বা পানীয় বিক্রয় করা হয়; এবং ফ্লোর শো প্রদর্শনকারী প্রতিষ্ঠানসহ যান্ত্রিক যানে পরিচালিত মোবাইল রেস্টোরাঁও ইহার অন্তর্ভুক্ত হইবে।
S০০২	S০০২.০০	ডেকোরেটরস ও ক্যাটারার্সঃ ব্যাখ্যা। - “ডেকোরেটরস ও ক্যাটারার্স” অর্থ কোন দোকান,

ফার্ম, প্রতিষ্ঠান বা ব্যক্তিগত যাহা বা যাহারা নিম্নোক্ত এক বা একাধিক সেবা প্রদান করিয়া থাকে, যথাঃ-

(ক) ফুল, ফেস্টুন, বান্টিং, রঙিন কাগজ, কাপড় বা অন্য কোন উপকরণ, যে কোন ধরনের বৈদ্যুতিক বাতি, তোরণ, প্যাণ্ডেল বা সামিয়ানা দ্বারা কোন প্রাঙ্গণ, ভবন, মাঠ অথবা যানবাহন সজ্জিতকরণ; অথবা

(খ) আসবাবপত্র বা ফিউচারস দ্বারা কোন ভবন, প্রাঙ্গণ বা মাঠ সজ্জিতকরণ; অথবা

(গ) যে কোন ধরনের উৎসব বা অনুষ্ঠানে লিনেন, ক্রোকারিজ, কাটলারিং বা বাসনপত্র সরবরাহকরণ; অথবা

(ঘ) কোন খাদ্য সামগ্রী বা পানীয় প্রস্তুত, সরবরাহ বা পরিবেশনকরণ বা যে কোন ধরনের আপ্যায়ন।

S003 S003.00

মোটর গাড়ীর গ্যারেজ, ওয়ার্কসপ এবং ডকইয়ার্ডঃ

S003.10

মোটর গাড়ীর গ্যারেজ এবং ওয়ার্কসপঃ

S003.20

ডকইয়ার্ডঃ

ব্যাখ্যা।- “মোটর গাড়ীর গ্যারেজ, বা ওয়ার্কসপ” এবং “ডকইয়ার্ড” অর্থ এমন কোন প্রতিষ্ঠান, সংস্থা বা স্থান যেখানে যে কোন প্রকারের যান্ত্রিক যানবাহন বা নৌযান মেরামত, রূপান্তর (কনভার্সন) বা সার্ভিসিং করা হয় অথবা উহাদের যন্ত্রাংশের বা আকৃতির কোন পরিবর্তন করা হয়।

S008 S008.00

নির্মাণ সংস্থাঃ

ব্যাখ্যা।- (১) “নির্মাণ সংস্থা” অর্থ এমন কোন প্রতিষ্ঠান, সংস্থা বা ব্যক্তি যাহা বা যিনি বাণিজ্যিক ভিত্তিতে ভবন, যোগাযোগ মাধ্যম, পরিবহণ, সড়ক, মহাসড়ক, সেতু বা অন্য যে কোন ধরনের অবকাঠামো নির্মাণ, মেরামত বা রক্ষণাবেক্ষণ করিয়া থাকে বা থাকেন; এবং কোন অবকাঠামোর সহিত সংযুক্ত হয় বা উহার অংশ হিসাবে ব্যবহৃত হয় এইরূপ যে কোন ধরনের স্থায়ী বা অস্থায়ী সংস্থাপনও (যেমনঃ শীতাতপ নিয়ন্ত্রণ ব্যবস্থা, ফল্‌স সিলিং, লিফট ইত্যাদি) ইহার অন্তর্ভুক্ত হইবে।

S005 S005.00

পণ্যাগার ও বন্দরঃ

S005.10

পণ্যাগারঃ

ব্যাখ্যা।- “পণ্যাগার” অর্থ এমন কোন উন্মুক্ত বা অন্যবিধ স্থান যেখানে যেকোন পণ্য পণের বিনিময়ে বা অন্যকোনভাবে মজুদ বা সংরক্ষণের ব্যবস্থা করা হয়; উক্তরূপ যে কোন পণ্য মজুদ বা সংরক্ষণের সহায়ক প্রত্যক্ষ ও পরোক্ষ সকল প্রস্তুতিমূলক কর্মকাণ্ডসহ মজুদকৃত অথবা সংরক্ষিত উক্তরূপ কোন পণ্যের নিষ্পত্তি বিষয়ক সকল কর্মকাণ্ডও এই সেবার অন্তর্ভুক্ত হইবে।

## S০০৫.২০ বন্দরঃ

ব্যাখ্যা।- “বন্দর” অর্থ এমন কোন উন্মুক্ত বা অন্যবিধ স্থান যেখানে আমদানিকৃত বা রপ্তানিযোগ্য যে কোন পণ্য পণের বিনিময়ে বা অন্যকোনভাবে মজুদ বা সংরক্ষণের ব্যবস্থা করা হয়; উক্তরূপ যে কোন পণ্য মজুদ বা সংরক্ষণের সহায়ক প্রত্যক্ষ ও পরোক্ষ সকল প্রস্তুতিমূলক কর্মকাণ্ডসহ মজুদকৃত অথবা সংরক্ষিত উক্তরূপ কোন পণ্যের নিরাপত্তা স্ক্যানিং সেবাসহ পণ্য চালানের নিষ্পত্তি বিষয়ক সকল কর্মকাণ্ড এবং এতদুদ্দেশ্যে পরিচালিত আইসিডি (ICD-Inland Container Depot) এবং সিএফএস (CFS-Container Freight Station) ও এই সেবার অন্তর্ভুক্ত হইবে।”

## S০০৬ S০০৬.০০ হিমাগারঃ

ব্যাখ্যা।- “হিমাগার” অর্থ এমন কোন স্থান যেখানে তাপ নিয়ন্ত্রণ পদ্ধতিতে বা অন্য কোন পদ্ধতিতে পণ্যের গুণগতমান অপরিবর্তিত রাখার জন্য বাণিজ্যিক ভিত্তিতে কোন পণ্য সংরক্ষণের ব্যবস্থা রহিয়াছে।

## S০০৭ S০০৭.০০ বিজ্ঞাপনী সংস্থাঃ

ব্যাখ্যা।- “বিজ্ঞাপনী সংস্থা” অর্থ কোন পণ্যের বা সেবার প্রচারণার বা অন্য কোন প্রচারণার উদ্দেশ্যে, বাণিজ্যিক ভিত্তিতে যে কোন নামের বা ধরনের বিজ্ঞাপন প্রস্তুতকরণে বা উক্ত উদ্দেশ্যে প্রস্তুতকৃত কোন বিজ্ঞাপন যে কোন মাধ্যমে বা অন্য কোন পন্থায় প্রচারকরণে বা প্রচার কার্যে সহায়তা করণে নিয়োজিত কোন ব্যক্তি, প্রতিষ্ঠান বা সংস্থা।

## S০০৮ S০০৮.০০ ছাপাখানা ও বাঁধাই সংস্থাঃ

## S০০৮.১০ ছাপাখানাঃ

ব্যাখ্যা।- “ছাপাখানা” অর্থ কোন পুস্তক বা পত্রিকা ছাপার কাজে অথবা অন্য যে কোন নামের বা ধরনের ছাপার কাজে নিয়োজিত প্রতিষ্ঠান, সংস্থা বা ব্যক্তি।

## S০০৮.২০ বাঁধাই সংস্থাঃ

ব্যাখ্যা।- “বাঁধাই সংস্থা” অর্থ কোন পুস্তক, পত্রিকা বা অন্য কোন দলিল দস্তাবেজ বা খাতাপত্র বাঁধাইয়ের কাজে নিয়োজিত প্রতিষ্ঠান, সংস্থা বা ব্যক্তি।

## S০০৯ S০০৯.০০ নিলামকারী সংস্থাঃ

ব্যাখ্যা।- “নিলামকারী সংস্থা” অর্থ সরকারী এবং বেসরকারী নিলামের আয়োজনে বা পরিচালনা কার্যে নিয়োজিত কোন প্রতিষ্ঠান, সংস্থা বা ব্যক্তি।

So১০	So১০.০০	ভূমি উন্নয়ন সংস্থা ও ভবন নির্মাণ সংস্থাঃ
	So১০.১০	ভূমি উন্নয়ন সংস্থাঃ
		ব্যাখ্যা।- “ভূমি উন্নয়ন সংস্থা” অর্থ বাণিজ্যিক ভিত্তিতে ক্রয়কৃত বা অন্য যে কোন উপায়ে প্রাপ্ত ভূমির বাণিজ্যিক উদ্দেশ্যে উন্নয়ন সাধন বা চুক্তির মাধ্যমে ভূমির উন্নয়ন সাধনপূর্বক ইজারার মাধ্যমে বা অন্য কোন ভাবে পণের বিনিময়ে উক্ত উন্নয়নকৃত ভূমি বিক্রয় বা হস্তান্তরকার্যে নিয়োজিত কোন ব্যক্তি, প্রতিষ্ঠান বা সংস্থা।
	So১০.২০	ভবন নির্মাণ সংস্থাঃ
		ব্যাখ্যা।- “ভবন নির্মাণ সংস্থা” অর্থ বাণিজ্যিক ভিত্তিতে ক্রয়কৃত বা অন্য যে কোন উপায়ে প্রাপ্ত ভূমির উপর ভবন নির্মাণপূর্বক ইজারার মাধ্যমে বা অন্য কোন ভাবে পণের বিনিময়ে বাণিজ্যিক ভিত্তিতে উক্ত নির্মিত ভবন বিক্রয় অথবা হস্তান্তরকার্যে নিয়োজিত কোন ব্যক্তি, প্রতিষ্ঠান বা সংস্থা।
So১১	So১১.০০	ভিডিও ক্যাসেট সপ, ভিডিও গেম সপ, ভিডিও অডিও রেকর্ডিং সপ, ভিডিও ও অডিও সিডি ভাড়া প্রদানকারী সপঃ
	So১১.১০	ভিডিও ক্যাসেট সপঃ
	So১১.২০	ভিডিও গেম সপঃ
	So১১.৩০	ভিডিও, অডিও রেকর্ডিং সপঃ
	So১১.৪০	ভিডিও ও অডিও সিডি ভাড়া প্রদানকারী সপঃ
		ব্যাখ্যা।- “ভিডিও ক্যাসেট সপ, ভিডিও গেম সপ, ভিডিও অডিও রেকর্ডিং সপ, ভিডিও এবং অডিও সিডি ভাড়া প্রদানকারী সপ” অর্থ বাণিজ্যিক ভিত্তিতে ভিডিও ক্যাসেট বা ভিডিও গেম বা ভিডিও ও অডিও সিডি বিক্রয় অথবা উহা সাময়িকভাবে ব্যবহারের সুযোগ প্রদান অথবা ভিডিও বা অডিও বা ভিডিও ও অডিও সিডি রেকর্ডিং এর কাজে নিয়োজিত কোন প্রতিষ্ঠান, সংস্থা বা ব্যক্তি।
“So১২	So১২.০০	টেলিফোন, টেলিপ্রিন্টার, টেলেক্স, ফ্যাক্স বা ইন্টারনেট সংস্থা ও সিম কার্ড সরবরাহকারীঃ
	So১২.১০	টেলিফোনঃ
	So১২.১১	টেলিপ্রিন্টারঃ
	So১২.১২	টেলেক্সঃ
	So১২.১৩	ফ্যাক্সঃ
	So১২.১৪	ইন্টারনেট সংস্থাঃ
		ব্যাখ্যা।- “টেলিফোন, টেলিপ্রিন্টার, টেলেক্স, ফ্যাক্স বা ইন্টারনেট সংস্থা” অর্থ টেলিফোন, টেলিপ্রিন্টার, টেলেক্স, ফ্যাক্স

বা ইন্টারনেট এর মাধ্যমে বাণিজ্যিক ভিত্তিতে যোগাযোগ স্থাপন, তথ্য বা উপাত্ত আদান-প্রদানের ব্যবস্থাকারী কোন ব্যক্তি, প্রতিষ্ঠান বা সংস্থা।

#### So১২.২০ সিম কার্ড সরবরাহকারী

ব্যাখ্যা।- “সিম কার্ড সরবরাহকারী” অর্থ পণের বিনিময়ে Subscriber's Identity Module (SIM) কার্ড, Removable User Identification Module (RUIM) কার্ড বা অনুরূপ অন্য কোন Microchip সম্বলিত কার্ডের মাধ্যমে সেলুলার (Mobile/Fixed Wireless) টেলিফোন সংযোগ প্রদানকারী সংস্থা; এবং একই উদ্দেশ্য পূরণকল্পে উল্লিখিত কার্ড ব্যতীত Code Division Multiple Access (CDMA) বা অনুরূপ অন্য কোন পদ্ধতি ব্যবহারও এই সেবার অন্তর্ভুক্ত হইবে।”

#### So১৩ So১৩.০০ যান্ত্রিক লব্ধিঃ

ব্যাখ্যা।- “যান্ত্রিক লব্ধি” অর্থ বাণিজ্যিক ভিত্তিতে যান্ত্রিক পদ্ধতিতে কোন পোষাক, পরিচ্ছদ বা উহার অংশ বিশেষ বা যে কোন ধরনের বস্তু, আ ছাদন বা মোড়ক ধোলাই, ইন্ড্রি, রং, রিপু, কাটা বা পলিস করার কার্যে নিয়োজিত কোন স্থান, প্রতিষ্ঠান বা সংস্থা।

#### So১৪ So১৪.০০ ইন্ডেনটিং সংস্থাঃ

ব্যাখ্যা।- “ইন্ডেনটিং সংস্থা” অর্থ দেশী বা বিদেশী ক্রেতা এবং বিক্রেতার মধ্যে বাণিজ্যিক ভিত্তিতে পণ্য বা সেবা ক্রয়-বিক্রয় বা আদান-প্রদান সম্পর্কিত যোগাযোগ স্থাপন অথবা অনুরূপ ক্রয়-বিক্রয় বা আদান-প্রদান সংক্রান্ত চুক্তি সম্পাদনে প্রয়োজনীয় সমন্বয় কার্যে নিয়োজিত কোন প্রতিষ্ঠান বা সংস্থা।

#### So১৫ So১৫.০০ ফ্রেইট ফরোয়ার্ডার্স এবং ক্লিয়ারিং ও ফরোয়ার্ডিং সংস্থা :

##### So১৫.১০ ফ্রেইট ফরোয়ার্ডার্স :

ব্যাখ্যা।- “ফ্রেইট ফরোয়ার্ডার্স” অর্থ পণের বিনিময়ে পণ্য মোড়কজাতকরণ বা অন্যের দ্বারা মোড়কজাতকৃত বা মোড়কজাতকরণ ব্যতীত কোন পণ্য বুকিং এর মাধ্যমে গন্তব্যস্থলে প্রেরণের জন্য বাণিজ্যিক ভিত্তিতে পরিবহন ব্যবসা সংক্রান্ত কার্য সম্পাদনকারী ব্যক্তি, প্রতিষ্ঠান বা সংস্থা।

##### So১৫.২০ ক্লিয়ারিং ও ফরোয়ার্ডিং সংস্থা :

ব্যাখ্যা।- “ক্লিয়ারিং ও ফরোয়ার্ডিং সংস্থা” অর্থ বিদেশ হইতে আমদানিকৃত বা বিদেশে রপ্তানিযোগ্য কোন পণ্য পণের বিনিময়ে বা খোদ খালাসী (self clearance) এর উদ্দেশ্যে শুদ্ধ আনুষ্ঠানিকতা সম্পন্ন করার লক্ষ্যে Customs Act, 1969 (IV of 1969) এর section 207 এর অধীন লাইসেন্স প্রাপ্ত কোন ব্যক্তি, প্রতিষ্ঠান বা সংস্থা।

So১৬	So১৬.০০	ট্রাভেল এজেন্সিঃ
		ব্যাখ্যা।- “ট্রাভেল এজেন্সি” অর্থ কমিশন ভিত্তিতে কোন যাত্রী পরিবহণ প্রতিষ্ঠানের পক্ষে যাত্রী সাধারণের নিকট এক স্থান হইতে অন্য স্থানে যাতায়াতের জন্য টিকিট বিক্রয় কার্যে নিয়োজিত কোন প্রতিষ্ঠান বা সংস্থা।
So১৭	So১৭.০০	কম্যুনিটি সেন্টারঃ
		ব্যাখ্যা।- “কম্যুনিটি সেন্টার” অর্থ বিবাহ, জন্মদিন, সেমিনার, সিম্পোজিয়াম বা অন্য কোন সাংস্কৃতিক, সামাজিক বা রাজনৈতিক অনুষ্ঠান সম্পাদনের নিমিত্ত সাময়িকভাবে ভাড়া প্রদত্ত কোন ভবন বা প্রাঙ্গন। অনুষ্ঠান সম্পাদন সংক্রান্ত কার্যাবলীর মধ্যে খাদ্য পরিবেশনও অন্তর্ভুক্ত হইবে।
So১৮	So১৮.০০	চলচ্চিত্র ষ্টুডিওঃ
		ব্যাখ্যা।- “চলচ্চিত্র ষ্টুডিও” অর্থ চলচ্চিত্র রেকর্ডিং এর সুবিধা সম্বলিত কোন স্থান, প্রাঙ্গণ বা ভবন যাহা অর্থের বিনিময়ে ব্যবহার করার সুযোগ প্রদান করা হয়।
So১৯	So১৯.০০	ফটো নির্মাতাঃ
		ব্যাখ্যা।- “ফটো নির্মাতা” অর্থ বাণিজ্যিক ভিত্তিতে রঙ্গিন বা সাদাকালো ফটো প্রস্তুতকরণ বা ফিল্ম প্রক্রিয়াকরণে নিয়োজিত কোন ব্যক্তি বা প্রতিষ্ঠান বা সংস্থা।।
So২০	So২০.০০	জরিপ সংস্থাঃ
		ব্যাখ্যা।- “জরিপ সংস্থা” অর্থ বাণিজ্যিক ভিত্তিতে আমদানিকৃত, রপ্তানিকৃত, দেশের অভ্যন্তরে মজুদকৃত বা সরবরাহকৃত পণ্যের জরিপ কার্যে অথবা বীমা সংক্রান্ত জরিপ কার্যে অথবা ভূমি জরিপসহ সকল প্রাকৃতিক, আর্থিক, মানব ও কারিগরি সম্পদ পরিমাপ বা জরিপ কার্যে বা আর্থ-সামাজিক জরিপ কার্যে বা অন্য যে কোন জরিপ কার্যে নিয়োজিত যে কোন ব্যক্তি, প্রতিষ্ঠান বা সংস্থা, এবং পণ্যের বিনিময়ে যে কোন ধরনের ভৌত বা রাসায়নিক পরীক্ষা সম্পাদনকারী বা যে কোন বিষয়ের সম্ভাব্যতা যাচাইকারী বা কোনো প্রতিষ্ঠানের মান (standardization) প্রত্যয়ন বা পারফরমেন্স অডিট সম্পাদনকারী প্রতিষ্ঠান এবং মেরিন সার্ভেয়ার প্রতিষ্ঠানও ইহার অন্তর্ভুক্ত হইবে।
So২১	So২১.০০	প্ল্যান্ট বা মূলধনী যন্ত্রপাতি ভাড়া প্রদানকারী সংস্থাঃ
		ব্যাখ্যা।- “প্ল্যান্ট বা মূলধনী যন্ত্রপাতি ভাড়া প্রদানকারী সংস্থা” অর্থ অর্থের বিনিময়ে কোন প্ল্যান্ট বা মূলধনী যন্ত্রপাতি অন্য কোন ব্যক্তি, প্রতিষ্ঠান বা সংস্থাকে ব্যবহারের সুযোগ প্রদানকারী কোন ব্যক্তি, প্রতিষ্ঠান বা সংস্থা।

So২২	So২২.০০	মিষ্টান্ন ভান্ডারঃ ব্যাখ্যা।- “মিষ্টান্ন ভান্ডার” অর্থ মিষ্টান্ন বা মিষ্টান্নজাতীয় খাদ্য সামগ্রী প্রস্তুতকরণ বা বিক্রয়ে নিয়োজিত কোন ব্যক্তি, প্রতিষ্ঠান বা সংস্থা।
So২৩	So২৩.১০	চলচ্চিত্র প্রদর্শক (প্রেক্ষাগৃহ)ঃ ব্যাখ্যা।- “চলচ্চিত্র প্রদর্শক” অর্থ দর্শকদের উপভোগের জন্য বাণিজ্যিক ভিত্তিতে চলচ্চিত্র প্রদর্শনকারী বা প্রদর্শনের ব্যবস্থাপনাকারী কোন ব্যক্তি, প্রতিষ্ঠান বা সংস্থা।
	So২৩.২০	চলচ্চিত্র পরিবেশকঃ ব্যাখ্যা।- “চলচ্চিত্র পরিবেশক” অর্থ চলচ্চিত্র প্রযোজনা বা নির্মাতা বা নিবেদক সংস্থা বা প্রতিষ্ঠানের নিকট হইতে সংগৃহীত চলচ্চিত্র অর্থের বিনিময়ে চলচ্চিত্র প্রদর্শক (প্রেক্ষাগৃহ) বা সম্প্রচার কর্তৃপক্ষ বা অন্য কোন ব্যক্তি বা সংস্থার নিকট হস্তান্তরকারী কোন ব্যক্তি, প্রতিষ্ঠান বা সংস্থা।
So২৪	So২৪.০০	আসবাবপত্রের বিপণন কেন্দ্রঃ ব্যাখ্যা।- “আসবাবপত্রের বিপণন কেন্দ্র” অর্থ নিজস্ব প্রস্তুতকৃত বা অন্যের দ্বারা প্রস্তুতকৃত যে কোন আসবাবপত্র পণের বিনিময়ে বিক্রয়ের স্থান।
So২৫	So২৫.০০	ওয়াসাঃ ব্যাখ্যা।- “ওয়াসা” অর্থ পানি সরবরাহ ও পয়ঃ নিষ্কাশন কর্তৃপক্ষ আইন, ১৯৯৬ (১৯৯৬ সনের ৬ নং আইন) এর ধারা ৩ এর অধীন প্রতিষ্ঠিত পানি সরবরাহ ও পয়ঃ নিষ্কাশন কর্তৃপক্ষ।
So২৬	So২৬.০০	স্বর্ণকার ও রৌপ্যকার এবং স্বর্ণের ও রৌপ্যের দোকানদার এবং স্বর্ণ পাকাকারীঃ ব্যাখ্যা।- (১) “স্বর্ণকার ও রৌপ্যকার এবং স্বর্ণ ও রৌপ্যের দোকানদার কর্তৃক প্রদত্ত সেবা” অর্থ মজুরী বা সার্ভিস চার্জের বিনিময়ে স্বর্ণ বা রৌপ্যের কিংবা স্বর্ণ ও রৌপ্যের অলংকার প্রস্তুত, মেরামত, মজুদ বা বিপণন কার্যে নিয়োজিত কোন ব্যক্তি, প্রতিষ্ঠান বা সংস্থা। (২) “স্বর্ণ পাকাকারী” অর্থ স্বর্ণ গলাইয়া বা পরিষ্কার করিয়া বা অন্য কোন পদ্ধতিতে তেজাবি স্বর্ণ বা স্বর্ণ পিড প্রস্তুত ও বিপণনকারী।
So২৭	So২৭.০০	বীমা কোম্পানীঃ ব্যাখ্যা।- “বীমা কোম্পানী” অর্থ অগ্নি, নৌ, বিমান, মটর, স্বাক্ষরিত দুর্ঘটনাসহ অন্যান্য যে কোন দুর্ঘটনার ক্ষেত্রে বীমা পলিসি (জীবন বীমা পলিসি ব্যতীত) এর মাধ্যমে ক্ষতিপূরণ ব্যবস্থা সংক্রান্ত ব্যৱসা পরিচালনায় নিয়োজিত কোন ব্যক্তি, প্রতিষ্ঠান বা সংস্থা।

So২৮	So২৮.০০	কুরিয়ার (Courior) ও এক্সপ্রেস মেইল সার্ভিসঃ
		ব্যাখ্যা।- “কুরিয়ার ও এক্সপ্রেস মেইল সার্ভিস” অর্থ দেশের অভ্যন্তরে অথবা দেশের বাহিরে অর্থের বিনিময়ে বার্তা, সংবাদ, তথ্য, দলিলপত্র, পণ্য বা পার্সেল (ওজনসীমা ১০ কেজি পর্যন্ত) প্রেরণে নিয়োজিত ব্যক্তি, প্রতিষ্ঠান বা সংস্থা (সরকারী ডাক বিভাগ এবং সেবা শিরোনামা সংখ্যা So১৫ এ বর্ণিত ব্যক্তি, প্রতিষ্ঠান বা সংস্থা ব্যতীত), তবে সরকারী ডাক বিভাগ বা বেসরকারী যে কোন সংস্থা কর্তৃক প্রদত্ত এক্সপ্রেস মেইল ইহার অন্তর্ভুক্ত হইবে।
So২৯	So২৯.০০	চিকিৎসা প্রতিষ্ঠান, দস্ত চিকিৎসা কেন্দ্র এবং প্যাথলজিক্যাল ল্যাবরেটরীঃ
	So২৯.১০	চিকিৎসা প্রতিষ্ঠানঃ
		ব্যাখ্যা।- “চিকিৎসা প্রতিষ্ঠান” অর্থ এমন কোন স্থান, প্রতিষ্ঠান বা সংস্থা যেখানে পণের বিনিময়ে কোন মানুষের দৈহিক বা মানসিক বিষয়ে চিকিৎসার নিমিত্তে ব্যবস্থাপত্র, পরামর্শ প্রদান বা প্রয়োজনীয় প্যাথলজিক্যাল পরীক্ষা করা হয় বা চিকিৎসা সম্পর্কিত অন্য যে কোন ব্যবস্থা গৃহীত হয় এবং উপরি-উক্ত এক বা একাধিক সেবা প্রদানের জন্য অস্থায়ী আবাসনের ব্যবস্থা করা হয়ঃ
		তবে শর্ত থাকে যে, যেই সকল স্থান, প্রতিষ্ঠান বা সংস্থায় বিনামূল্যে বা দাতব্য ভিত্তিতে বা নামমাত্র মূল্যের বিনিময়ে উপরি-উক্ত কোন সেবা প্রদান বা আবাসনের ব্যবস্থা করা হয় সেই সকল স্থান, প্রতিষ্ঠান বা সংস্থা এই সংজ্ঞার আওতা বহির্ভূত হইবে। এই ব্যাখ্যায় নামমাত্র মূল্য অর্থে মুনাফা অর্জনের লক্ষ্যে পরিচালিত নয় এমন কোন চিকিৎসা প্রতিষ্ঠানের বহির্বিভাগে চিকিৎসা সেবা প্রদানের ক্ষেত্রে সেবামূল্য অনধিক ৫০ টাকা এবং রোগীর দৈনিক শয্যা ভাড়া অনধিক ১০০ টাকা হইতে হইবে।
	So২৯.২০	দস্ত চিকিৎসা কেন্দ্রঃ
		ব্যাখ্যা।- “দস্ত চিকিৎসা কেন্দ্র” অর্থ এমন কোন স্থান, প্রতিষ্ঠান বা সংস্থা যেখানে অস্থায়ী আবাসনের ব্যবস্থা থাকুক বা না থাকুক পণের বিনিময়ে দস্ত বিষয়ক ব্যবস্থাপত্র ও পরামর্শ প্রদান বা প্যাথলজিক্যাল পরীক্ষা করা হয় বা চিকিৎসা সম্পর্কিত অন্য যে কোন ব্যবস্থা গৃহীত হয়ঃ
		তবে শর্ত থাকে যে, যেই সকল স্থান, প্রতিষ্ঠান বা সংস্থায় বিনামূল্যে বা দাতব্য ভিত্তিতে বা নামমাত্র মূল্যের বিনিময়ে উপরি-উক্ত কোন সেবা প্রদান বা আবাসনের ব্যবস্থা করা হয় সেই সকল স্থান, প্রতিষ্ঠান বা সংস্থা এই সংজ্ঞার আওতা

বহির্ভূত হইবে। এই ব্যাখ্যায় নামমাত্র মূল্য অর্থে মুনাফা অর্জনের লক্ষ্যে পরিচালিত নয় এমন কোন দস্ত চিকিৎসা কেন্দ্রের বহির্বিভাগে চিকিৎসা সেবা প্রদানের ক্ষেত্রে সেবামূল্য অনধিক ৫০ টাকা এবং রোগীর দৈনিক শয্যা ভাড়া অনধিক ১০০ টাকা হইতে হইবে।

#### So২৯.৩০ প্যাথলজিক্যাল ল্যাবরেটরী :

ব্যাখ্যা।- “প্যাথলজিক্যাল ল্যাবরেটরী” অর্থ এমন কোন স্থান, প্রতিষ্ঠান বা সংস্থা যেখানে বাণিজ্যিক ভিত্তিতে আলট্রাসোনিক পদ্ধতিতে বা ইলেক্ট্রনিক স্ক্যানিং এর মাধ্যমে বা অন্য যে কোন প্রক্রিয়ায় যে কোন শারীরবৃত্তীয় বা রোগ সম্পর্কিত পরীক্ষা নিরীক্ষা সম্পন্ন করা হয়।

#### So৩০ So৩০.০০ বিউটি পার্লার:

ব্যাখ্যা।- “বিউটি পার্লার” অর্থ এমন কোন স্থান, প্রতিষ্ঠান বা সংস্থা যেখানে বাণিজ্যিক ভিত্তিতে নারী বা পুরুষ বা উভয়ের কেশসজ্জা, অঙ্গসজ্জা বা রূপসজ্জামূলক সেবা প্রদানের বা তদানুযায়িক কোন সুযোগ-সুবিধা প্রদানের ব্যবস্থা রহিয়াছে।

#### So৩১ So৩১.০০ পণের বিনিময়ে করযোগ্য পণ্য মেরামত বা সার্ভিসিং এর কাজে নিয়োজিত ব্যক্তি, প্রতিষ্ঠান বা সংস্থা:

ব্যাখ্যা।- “পণের বিনিময়ে করযোগ্য পণ্য মেরামত বা সার্ভিসিং এর কাজে নিয়োজিত ব্যক্তি, প্রতিষ্ঠান বা সংস্থা” অর্থ পণের বিনিময়ে নিজস্ব প্র্যান্ট, মেশিনারী বা যন্ত্রপাতি দ্বারা অন্যের মালিকানাধীন কোন করযোগ্য পণ্য মেরামত বা সার্ভিসিং এর কাজে নিয়োজিত কোন ব্যক্তি, প্রতিষ্ঠান বা সংস্থা।

#### So৩২ So৩২.০০ কনসাল্টেঙ্গী ফার্ম ও সুপারভাইজরী ফার্ম:

ব্যাখ্যা।- “কনসাল্টেঙ্গী ফার্ম বা সুপারভাইজরী ফার্ম” অর্থ পণের বিনিময়ে যেকোন পরামর্শক-সেবা প্রদানে নিয়োজিত কোন ব্যক্তি, সংস্থা বা প্রতিষ্ঠান যিনি কোন সম্ভাব্যতা যাচাই, প্রকল্প প্রণয়ন বা বাস্তবায়ন বা পরিকল্পনা প্রণয়ন বা বাস্তবায়নের পরামর্শ প্রদান করেন অথবা উহা বাস্তবায়নের তদারকি করেন।

#### So৩৩ So৩৩.০০ ইজারাদার:

ব্যাখ্যা।- “ইজারাদার” অর্থ পণের বিনিময়ে কোন স্থান বা স্থাপনার অথবা কোন স্থাবর সম্পত্তি বা কোন স্থানে প্রবেশাধিকারের ইজারা গ্রহণকারী ব্যক্তি, প্রতিষ্ঠান বা সংস্থা এবং উক্তরূপ ইজারা প্রদান ব্যতিরেকে নিজস্ব ব্যবস্থাপনায় ইজারার স্থান বা স্থাপনার টোল, ফি, হাসিল বা খাস সংগ্রহকারীও ইহার অন্তর্ভুক্ত হইবেন।

S০৩৪	S০৩৪.০০	অডিট এন্ড এ্যাকাউন্টিং ফর্মঃ ব্যাখ্যা।- “অডিট এন্ড এ্যাকাউন্টিং ফর্ম” অর্থ পণের বিনিময়ে কোন ব্যক্তি বা প্রতিষ্ঠানের বার্ষিক বা কোন নির্দিষ্ট মেয়াদের আয়-ব্যয় নিরীক্ষা অথবা হিসাব পরীক্ষা বা সংরক্ষণের কাজে নিয়োজিত কোন ব্যক্তি, প্রতিষ্ঠান বা সংস্থা।
S০৩৫	S০৩৫.০০	শিপিং এজেন্টঃ ব্যাখ্যা।- “শিপিং এজেন্ট” অর্থ Customs Act, 1969 এর section 2 (g) তে সংজ্ঞায়িত “conveyance” এর আগমন, অবস্থান ও প্রস্থানে সংশ্লিষ্ট ব্যবসা পরিচালনাকারী ব্যক্তি, প্রতিষ্ঠান বা সংস্থা এবং কোন বিদেশী শিপিং লাইনের স্থানীয় এজেন্টও ইহার অন্তর্ভুক্ত হইবে।
S০৩৬	S০৩৬.০০	শীতাতপ নিয়ন্ত্রিত বা তাপানুকূল বাস, লঞ্চ ও রেলওয়ে সার্ভিসঃ
	S০৩৬.১০	শীতাতপ নিয়ন্ত্রিত বা তাপানুকূল বাস সার্ভিসঃ ব্যাখ্যা।- “শীতাতপ নিয়ন্ত্রিত বা তাপানুকূল বাস সার্ভিস” অর্থ এমন কোন ব্যক্তি, প্রতিষ্ঠান বা সংস্থা যিনি শীতাতপ নিয়ন্ত্রিত বা তাপানুকূল বাস, মিনিবাস বা কোষ্টারের মাধ্যমে যাত্রী পরিবহণ ব্যবসায়ে নিয়োজিত।
	S০৩৬.২০	শীতাতপ নিয়ন্ত্রিত বা তাপানুকূল লঞ্চ সার্ভিসঃ ব্যাখ্যা।- “শীতাতপ নিয়ন্ত্রিত বা তাপানুকূল লঞ্চ সার্ভিস” অর্থ এমন কোন ব্যক্তি, প্রতিষ্ঠান বা সংস্থা যিনি এক বা একাধিক শীতাতপ নিয়ন্ত্রিত বা তাপানুকূল কেবিন বা কক্ষ বিশিষ্ট লঞ্চ বা স্টীমারের মাধ্যমে যাত্রী পরিবহণ ব্যবসায়ে নিয়োজিত।
	S০৩৬.৩০	শীতাতপ নিয়ন্ত্রিত বা তাপানুকূল রেলওয়ে সার্ভিসঃ ব্যাখ্যা।- “শীতাতপ নিয়ন্ত্রিত বা তাপানুকূল রেলওয়ে সার্ভিস” অর্থ এমন কোন ব্যক্তি, প্রতিষ্ঠান বা সংস্থা যিনি এক বা একাধিক শীতাতপ নিয়ন্ত্রিত বা তাপানুকূল কেবিন বা কক্ষ বিশিষ্ট ট্রেনের মাধ্যমে যাত্রী পরিবহণ ব্যবসায়ে নিয়োজিত।
S০৩৭	S০৩৭.০০	যোগানদার (Procurement Provider)ঃ ব্যাখ্যা।- “যোগানদার” অর্থ কোটেশন বা দরপত্র বা অন্যবিধভাবে বিভিন্ন সরকারী, আধা-সরকারী, স্বায়ত্ত্বশাসিত প্রতিষ্ঠান, বেসরকারী সংস্থা (এনজিও), ব্যাংক, বীমা বা লিমিটেড কোম্পানীর নিকট পণের বিনিময়ে যে কোন পণ্য বা সেবা বা উভয়ই সরবরাহ করেন এমন কোন ব্যক্তি, প্রতিষ্ঠান বা সংস্থা।

S০৩৮	S০৩৮.০০	বিদেশী শিল্পী সহযোগে বিনোদনমূলক সাংস্কৃতিক অনুষ্ঠান আয়োজকঃ
		ব্যাখ্যা।- “বিদেশী শিল্পী সহযোগে বিনোদনমূলক সাংস্কৃতিক অনুষ্ঠান আয়োজক” অর্থ পণ বা সম্মানীর বিনিময়ে বাংলাদেশের নাগরিক নহেন এমন কোন শিল্পী অথবা বাংলাদেশের নাগরিক নহেন এমন কোন শিল্পী সংস্থা সহযোগে নৃত্য, সংগীত, ব্যাণ্ড শো, কনসার্ট বা অন্য যে কোন নামের বা ধরনের সাংস্কৃতিক অনুষ্ঠান, জলসা বা শো আয়োজন করেন এমন কোন ব্যক্তি, প্রতিষ্ঠান বা সংস্থা।
S০৩৯	S০৩৯.০০	স্যাটেলাইট ক্যাবল অপারেটর ও স্যাটেলাইট চ্যানেল ডিস্ট্রিবিউটরঃ
	S০৩৯.১০	স্যাটেলাইট ক্যাবল অপারেটরঃ
		ব্যাখ্যা।- “স্যাটেলাইট ক্যাবল অপারেটর” অর্থ ডিশ এন্টেনা বা অন্য কোন মাধ্যমে স্যাটেলাইট প্রোগ্রাম গ্রহণপূর্বক তাহা ক্যাবল বা তারের মাধ্যমে বাণিজ্যিক ভিত্তিতে পণের বিনিময়ে অফিস, বাড়ী, ব্যবসাস্থল, অন্যকোন স্থানে বা অঙ্গণে সংযোগদান করেন এমন কোন ব্যক্তি, প্রতিষ্ঠান বা সংস্থা।
	S০৩৯.২০	স্যাটেলাইট চ্যানেল ডিস্ট্রিবিউটরঃ
		ব্যাখ্যা।- “স্যাটেলাইট চ্যানেল ডিস্ট্রিবিউটর” অর্থ ডিশ এন্টেনা বা অন্য কোন মাধ্যমে স্যাটেলাইট টিভি চ্যানেলের প্রোগ্রাম গ্রহণপূর্বক তা ক্যাবল বা অন্য কোন মাধ্যমে স্যাটেলাইট ক্যাবল অপারেটর, অন্য কোন ব্যক্তি বা সংস্থাকে পণের বিনিময়ে সংযোগদান করেন, উত্তরূপ প্রোগ্রাম ধরনের বস্তু বা অধিকার প্রদান করেন অথবা যান্ত্রিক সংযোগ দ্বারা উত্তরূপ প্রোগ্রাম দর্শন বা প্রচারের অনুমতি প্রদান করেন এমন কোন ব্যক্তি, প্রতিষ্ঠান বা সংস্থা, যিনি বাংলাদেশে মূল চ্যানেল মালিকের প্রতিনিধিত্ব করেন।
S০৪০	S০৪০.০০	সিকিউরিটি গার্ডসঃ
		ব্যাখ্যা।- “সিকিউরিটি গার্ডস” অর্থ বাণিজ্যিক ভিত্তিতে যে কোন স্থাবর বা অস্থাবর সম্পত্তি, ভবন, কমপ্লেক্স, অঙ্গণ, অফিস বা অন্য যে কোন ধরনের স্থাপত্য বা কোন ব্যক্তির ব্যক্তিগত নিরাপত্তা নিধানের জন্য প্রহরী, কর্মী, জনবল বা যন্ত্রপাতি সরবরাহ করলে বিশেষজ্ঞ কোন ব্যক্তি বা প্রতিষ্ঠান।
S০৪২	S০৪২.০০	স্বয়ংক্রিয় বা যন্ত্রচালিত করাতকলঃ
		ব্যাখ্যা।- “স্বয়ংক্রিয় বা যন্ত্রচালিত করাতকল” অর্থ স্বয়ংক্রিয় বা যন্ত্রচালিত করাত কল যাহার দ্বারা কোন ব্যক্তি বা প্রতিষ্ঠান পণের বিনিময়ে গাছ, বাগের কাঁচ বা ওড়ি বা শাখা প্রশাখা চেরাই

কিংবা যে কোন ধরনের কাঠ কর্তন, চেরাই, মসৃণ করার কাজ করিয়া থাকেন; এবং কাঠ সিজনিং প্লান্ট ও ইহার অন্তর্ভুক্ত হইবে।

S০৪৪ S০৪৪.০০

বিশেষজ্ঞ ডাক্তার :

ব্যাখ্যা।- “বিশেষজ্ঞ ডাক্তার” অর্থ চিকিৎসা বিজ্ঞানের বিভিন্ন বিষয়ে ডিপ্লোমা ও পোস্টগ্রাজুয়েট ডিগ্রীধারী যেমনঃ মেডিসিন, সার্জারী, গাইনোকোলজী ও অবস্টেট্রিস, নিউরোসার্জারী, নিউরোমেডিসিন, নাক, কান ও গলা, চক্ষু, গ্যাস্ট্রোএন্টারোলজী, ইউরোলজী, কার্ডিওলজী, ফিজিওথেরাপী, ডেনটিস্ট্রি, সাইকিয়াট্রিসহ অন্য যে কোন বিষয়ে বিশেষজ্ঞ ডাক্তার যিনি এককভাবে কিংবা এক বা একাধিক জুনিয়র ডাক্তার সহযোগে পণের বিনিময়ে রোগীদের চিকিৎসা, ব্যবস্থাপত্র বা পরামর্শ প্রদান করেন।

S০৪৫ S০৪৫.০০

আইন পরামর্শক :

ব্যাখ্যা।- “আইন পরামর্শক” অর্থ এমন কোন ব্যক্তি, আইনজীবী অথবা কতিপয় আইনজীবী সমন্বয়ে গঠিত যে কোন চেম্বার বা প্রতিষ্ঠান, যিনি এককভাবে কিংবা এক বা একাধিক জুনিয়র আইনজীবী সহযোগে নিজস্ব বাসভবনে অথবা এককভাবে কিংবা এক বা একাধিক জুনিয়র আইনজীবী সহযোগে অন্য কোথাও স্থাপিত চেম্বারে বা প্রতিষ্ঠানে কোন ফৌজদারী বা দেওয়ানী প্রকৃতির মামলা অথবা অন্য কোন বিষয়ে পণের বিনিময়ে কোন ব্যক্তি বা প্রতিষ্ঠান বা সংস্থা বা কোম্পানীকে আইনমূলক পরামর্শ প্রদানসহ প্রত্যক্ষ বা পরোক্ষভাবে উক্ত বিষয় সম্পর্কিত কার্যনির্বাহ করিয়া থাকেন।

S০৪৬ S০৪৬.০০

হেলথ ক্লাব ও ফিটনেস সেন্টার :

ব্যাখ্যা।- “হেলথ ক্লাব ও ফিটনেস সেন্টার” অর্থ এমন কোন স্থান (খোলা বা আবদ্ধ যাহাই হউক না কেন) যেখানে পণের বিনিময়ে শারীরিক সৌন্দর্য বৃদ্ধিকল্পে, শারীরিক গঠন ঠিক রাখার বা শারীরিক সমস্যা উপশমে উদ্দেশ্যে শরীরচর্চা করানো হয় অথবা যন্ত্রপাতি ও সুইমিংপুল ইত্যাদি ব্যবহারের সুযোগ দেয়া হয় অথবা উক্ত বিষয়ে বিশেষজ্ঞ পরামর্শ ও প্রশিক্ষণ প্রদান করা হয়।

S০৪৭ S০৪৭.০০

খেলাধুলা আয়োজক :

ব্যাখ্যা।- “খেলাধুলা আয়োজক” অর্থ এমন কোন ব্যক্তি, প্রতিষ্ঠান বা সংস্থা যিনি, বাণিজ্যিক ভিত্তিতে জাতীয় বা আন্তর্জাতিক পর্যায়ের প্রতিযোগিতামূলক খেলাধুলা প্রদর্শনার্থে দর্শকদের নিকট হইতে ফি, টিকেট মূল্য বা কোন প্রকার বিনিময় মূল্য গ্রহণ করেন।

So8৮	So8৮.০০	পরিবহণ ঠিকাদার :
		ব্যাখ্যা।- “পরিবহণ ঠিকাদার” অর্থ এমন কোন ব্যক্তি, প্রতিষ্ঠান বা সংস্থা যিনি বা যারা বাণিজ্যিক ভিত্তিতে কোন সরকারী, আধাসরকারী সংস্থা, স্বায়ত্বশাসিত প্রতিষ্ঠান, ব্যাংক, বীমা কোম্পানী, এন.জি.ও বা লিমিটেড কোম্পানী-তে তালিকাভুক্ত হউক বা না হউক, পণ্যের বিনিময়ে যে কোন পণ্য পরিবহণপূর্বক গন্তব্যস্থলে পৌঁছানোর দায়িত্ব পালন করেন।
So8৯	So8৯.০০	যানবাহন ভাড়া প্রদানকারী :
		ব্যাখ্যা।- “যানবাহন ভাড়া প্রদানকারী” অর্থ এমন কোন ব্যক্তি, প্রতিষ্ঠান বা সংস্থা যিনি বা যাহারা বাণিজ্যিক ভিত্তিতে পণ্যের বিনিময়ে সরকারী, আধা সরকারী, স্বায়ত্বশাসিত বা বেসরকারী কোন ব্যক্তি, প্রতিষ্ঠান বা সংস্থাকে কার (ট্যাক্সিক্যাব ব্যতীত), জীপ, মাইক্রোবাস, বাস, কোষ্টার, মিনিবাস, ট্রেন, লঞ্চ, স্পীডবোট, ট্রলার বা অনুরূপ যে কোন নামের বা ধরনের স্থলযান বা জলযান ভাড়া প্রদান করেন।
So৫০	So৫০.০০	আর্কিটেক্ট, ইন্টেরিয়র ডিজাইনার বা ইন্টেরিয়র ডেকোরেটর ও গ্রাফিক ডিজাইনার :
	So৫০.১০	আর্কিটেক্ট, ইন্টেরিয়র ডিজাইনার বা ইন্টেরিয়র ডেকোরেটর :
		ব্যাখ্যা।- “আর্কিটেক্ট, ইন্টেরিয়র ডিজাইনার বা ইন্টেরিয়র ডেকোরেটর” অর্থ এমন কোন ব্যক্তি, প্রতিষ্ঠান বা সংস্থা যিনি বাণিজ্যিক ভিত্তিতে, পণ্যের বিনিময়ে বাসভবন, বাণিজ্যিক ভবন, অফিস, রাস্তা, সেতু, কালভার্ট, স্মৃতিসৌধ, ভাস্কর্য, ওভারব্রিজ, ফ্লাইওভার, শিক্ষা প্রতিষ্ঠানসহ যে কোন ধরনের অবকাঠামো নির্মাণের নকশা প্রণয়ন ও প্রযোজ্য ক্ষেত্রে যে কোন অবকাঠামোর ভিতরকার সৌন্দর্য বৃদ্ধিকল্পে ডিজাইন ও কস্ট এস্টিমেট প্রণয়ন অথবা তাহা বাস্তবায়ন করেন। অস্থায়ী ভিত্তিতে কোন ভবনের অংশবিশেষের স্ট্রাকচার বা ডিজাইন পরিবর্তন সংক্রান্ত কার্যাদিও ইহার অন্তর্ভুক্ত হইবে।
	So৫০.২০	গ্রাফিক ডিজাইনার :
		ব্যাখ্যা।- “গ্রাফিক ডিজাইনার” অর্থ এমন কোন ব্যক্তি, প্রতিষ্ঠান বা সংস্থা যিনি বাণিজ্যিক ভিত্তিতে, পণ্যের বিনিময়ে মুদ্রণ, ইলেকট্রনিক বা চলচ্চিত্র মাধ্যম (film media) ব্যবহারপূর্বক বিষয় (text) ও গ্রাফিক এর সমন্বয়ে দর্শনযোগ্য মাধ্যম (visual media) বা ডিজাইন, লোগো, গ্রাফিক, ব্রোশিউর, নিউজ লেটার, পোস্টার, সাইন, বিজনেস কার্ড, পোস্টকার্ড, ইনভয়েস, পুস্তক, বা এ ধরনের অন্য কোন দর্শনযোগ্য পণ্য (visual communication) সৃষ্টি করেন।

S০৫১	S০৫১.০০	ইঞ্জিনিয়ারিং ফার্ম :
		ব্যাখ্যা।- “ইঞ্জিনিয়ারিং ফার্ম” অর্থ এমন কোন ব্যক্তি, প্রতিষ্ঠান বা সংস্থা যিনি অথবা যারা বাণিজ্যিক ভিত্তিতে, নির্দিষ্ট চার্জ, ফি বা পণের বিনিময়ে ভবন, রাস্তাঘাট, সেতু, কালভার্ট, স্মৃতিসৌধ, ভাস্কর্য, ওভারব্রীজ, ফ্লাইওভারসহ যে কোন ধরনের অবকাঠামোগত ডিজাইন ও কন্সট্রাকশন প্রণয়ন করেন অথবা উক্ত অবকাঠামোর নির্মাণ কাজ তদারকী বা বাস্তবায়ন করেন।
S০৫২	S০৫২.০০	শব্দ ও আলোক সরঞ্জাম ভাড়া প্রদানকারী :
		ব্যাখ্যা।- “শব্দ ও আলোক সরঞ্জাম ভাড়া প্রদানকারী” অর্থ বাণিজ্যিক ভিত্তিতে, পণের বিনিময়ে কোন সামাজিক, দাপ্তরিক, রাজনৈতিক বা যে কোন অনুষ্ঠানে ব্যবহারের উদ্দেশ্যে যে কোন ধরনের ইলেকট্রিক্যাল, ইলেকট্রোম্যাগনেটিক বা ইলেকট্রনিক শব্দ সরঞ্জাম অথবা আলোক সরঞ্জাম ভাড়া প্রদানকারী ব্যক্তি, প্রতিষ্ঠান বা সংস্থা।
S০৫৩	S০৫৩.০০	বোর্ড সভায় যোগদানকারী :
		ব্যাখ্যা।- “বোর্ড সভায় যোগদানকারী” অর্থ এমন কোন ব্যক্তি যিনি কোন সরকারী, আধাসরকারী, বেসরকারী (এনজিও), বাংলাদেশে অবস্থিত আন্তর্জাতিক সংস্থা, স্বায়ত্বশাসিত প্রতিষ্ঠান, ব্যাংক, বীমা বা লিমিটেড কোম্পানীর বোর্ড বা বার্ষিক সাধারণ সভায় ফি বা সম্মানীর বিনিময়ে যোগদান করিয়া থাকেন।
S০৫৪	S০৫৪.০০	উপগ্রহ চ্যানেলের মাধ্যমে বিজ্ঞাপন প্রচারকারী :
		ব্যাখ্যা।- “উপগ্রহ চ্যানেলের মাধ্যমে বিজ্ঞাপন প্রচারকারী” অর্থ এমন কোন উৎপাদনকারী বা সেবা প্রদানকারী যিনি তাহার প্রতিষ্ঠানে উৎপাদিত মূসক আরোপযোগ্য যে কোন পণ্য বা সেবার বিপণনের বা প্রচারণার উদ্দেশ্যে কোন বিজ্ঞাপন প্রস্তুতকারী প্রতিষ্ঠানের মাধ্যমে বিজ্ঞাপন প্রস্তুতপূর্বক, পণের বিনিময়ে কোন জাতীয় বা আন্তর্জাতিক ভূ অথবা মহাকাশে স্থাপিত উপগ্রহ চ্যানেলের মাধ্যমে প্রচারের ব্যবস্থা করিয়া থাকেন।
S০৫৫	S০৫৫.০০	ভূমি বিক্রয়কারী :
		ব্যাখ্যা।- “ভূমি বিক্রয়কারী” অর্থ এমন কোন ব্যক্তি, প্রতিষ্ঠান বা সংস্থা যিনি মেট্রোপলিটন, মিউনিসিপ্যাল কর্পোরেশন বা পৌর এলাকার মাষ্টারপ্ল্যানের আওতাভুক্ত এলাকায় অবস্থিত উত্তরাধিকার সূত্রে, ক্রয়সূত্রে বা অন্য যে কোন সূত্রে প্রাপ্ত ভূমি পণের বিনিময়ে অন্য কোন ব্যক্তি, প্রতিষ্ঠান বা সংস্থার নিকট নিজে বা অন্যের মাধ্যমে বিক্রয় করেন। তবে ভূমি উন্নয়ন সংস্থা এই সংজ্ঞার অন্তর্ভুক্ত হইবে না।
S০৫৬	S০৫৬.০০	ব্যাংকিং ও নন ব্যাংকিং সেবা প্রদানকারী :
		ব্যাখ্যা।- “ব্যাংকিং ও নন ব্যাংকিং সেবা প্রদানকারী” অর্থ কোন

রাষ্ট্রায়ত্ত্ব, দেশীয় বা বিদেশী বাণিজ্যিক ব্যাংক অথবা কোন নন ব্যাংকিং আর্থিক প্রতিষ্ঠান বা সংস্থা যিনি কমিশন, ফি বা চার্জের বিনিময়ে ব্যাংকিং বা নন ব্যাংকিং সেবা যথা:- ঋণপত্র, ব্যাংক গ্যারান্টি, ডিমাণ্ড ড্রাফট, পে-অর্ডার, টিটি, এমটি, কমিটমেন্ট, হ্যাণ্ডলিং ও আবেদনপত্র প্রক্রিয়াকরণসহ অন্যান্য সেবা (স্টক এক্সচেঞ্জে তালিকাভুক্ত কোম্পানীর শেয়ার ক্রয়-বিক্রয় সংক্রান্ত সেবা ব্যতীত) প্রদান করিয়া থাকেন।

So৫৭ So৫৭.০০

বিদ্যুৎ বিতরণকারী :

ব্যাখ্যা।- “বিদ্যুৎ বিতরণকারী” অর্থ এমন কোন ব্যক্তি, প্রতিষ্ঠান বা সংস্থা যিনি বাণিজ্যিক ভিত্তিতে উৎপাদিত অথবা ক্রীত অথবা অন্য যে কোন উপায়ে প্রাপ্ত বিদ্যুৎ সরাসরি ভোক্তার নিকট পণের বিনিময়ে সরবরাহ করেন।

So৫৮ So৫৮.০০

চার্টার্ড বিমান বা হেলিকপ্টার ভাড়া প্রদানকারী সংস্থা:

ব্যাখ্যা।- “চার্টার্ড বিমান বা হেলিকপ্টার ভাড়া প্রদানকারী সংস্থা” অর্থ এমন কোন ব্যক্তি, প্রতিষ্ঠান বা সংস্থা যিনি পণের বিনিময়ে কোন ব্যক্তি, প্রতিষ্ঠান বা সংস্থাকে চার্টারে বিমান বা হেলিকপ্টার ভাড়া প্রদান করেন।

So৫৯ So৫৯.০০

গ্লাসশীট প্রলেপকারী প্রতিষ্ঠান :

ব্যাখ্যা।- “গ্লাসশীট প্রলেপকারী প্রতিষ্ঠান” অর্থ এমন কোন ব্যক্তি, প্রতিষ্ঠান বা সংস্থা যিনি বাণিজ্যিক ভিত্তিতে পণের বিনিময়ে গ্লাসশীটের উপর নিজস্ব প্র্যান্ট বা মেশিনারী দ্বারা প্রতিফলন কোটিং বা আন্তরণ বা প্রলেপ প্রদান করেন এবং সরবরাহকারীর চাহিদা মোতাবেক সাইজ বা আকৃতি প্রদানের নিমিত্তে কোটিং কার্যও সম্পাদন করেন।

So৬০ So৬০.০০

নিলামকৃত পণ্যের ক্রেতা :

ব্যাখ্যা।- “নিলামকৃত পণ্যের ক্রেতা” অর্থ এমন কোন ব্যক্তি, প্রতিষ্ঠান বা সংস্থা যিনি অর্থের বিনিময়ে নিলাম ডাকের মাধ্যমে বা দরপত্র দ্বারা বা দরপত্র ছাড়া কোন সরকারী, আধাসরকারী, স্বায়ত্বশাসিত সংস্থা, ব্যাংক, বীমা, লিমিটেড কোম্পানী এর স্থাবর বা অস্থাবর সম্পত্তি বাণিজ্যিক বা ব্যক্তিগত ব্যবহারের উদ্দেশ্যে ক্রয় করিয়া থাকেন।

So৬১ So৬১.০০

ক্রেডিট কার্ড প্রদানকারী প্রতিষ্ঠান :

ব্যাখ্যা।- “ক্রেডিট কার্ড প্রদানকারী প্রতিষ্ঠান” অর্থ এমন কোন ব্যাংক বা আর্থিক সংস্থা বা প্রতিষ্ঠান তদকর্তৃক নির্ধারিত ফি বা চার্জের বিনিময়ে, আর্থিক লেনদেনের সুবিধার্থে, ক্রেডিট কার্ড ইস্যু বা নবায়ন করিয়া থাকে।

So৬২ So৬২.০০

অর্থ বিনিময়কারী (মানি চেঞ্জার) প্রতিষ্ঠান :

ব্যাখ্যা।- “অর্থ বিনিময়কারী (মানি চেঞ্জার) প্রতিষ্ঠান” অর্থ এমন কোন ব্যক্তি, সংস্থা বা প্রতিষ্ঠান যিনি অর্থের বিনিময়ে

		সকল প্রকার বৈদেশিক মুদ্রা ক্রয়-বিক্রয় বা বিনিময় করিয়া থাকেন।
So৬৩	So৬৩.০০	টেইলারিং সপ ও টেইলার্স : ব্যাখ্যা।— “টেইলারিং সপ ও টেইলার্স” অর্থ এমন কোন ব্যক্তি, সংস্থা বা প্রতিষ্ঠান যিনি অর্থের বিনিময়ে যে কোন ধরনের পরিধেয় পোশাক বা সাজ-সজ্জার জন্য কাপড় বা প্রক্রিয়াজাত চামড়া বা অনুরূপ দ্রব্যাদি কাটিং, ডিজাইন ও সেলাই করেন।
So৬৪	So৬৪.১০	এ্যামিউজমেন্ট পার্ক ও থিম পার্ক : ব্যাখ্যা।— “এ্যামিউজমেন্ট পার্ক ও থিম পার্ক” অর্থ এমন কোন স্থান যেখানে পণের বিনিময়ে প্রবেশাধিকারসহ যান্ত্রিক খেলনা, বাইড, অবকাঠামো বা প্রদর্শনীর মাধ্যমে দর্শনার্থীদের জন্য বিনোদনের ব্যবস্থা করা হয়।
	So৬৪.২০	পিকনিক স্পট, শ্যুটিং স্পট ও পর্যটন স্থান বা স্থাপনা : ব্যাখ্যা।— “পিকনিক স্পট, শ্যুটিং স্পট ও পর্যটন স্থান বা স্থাপনা” অর্থ প্রকৃতি প্রদত্ত অথবা বাণিজ্যিক উদ্দেশ্যে ব্যবহারের লক্ষ্যে পরিকল্পিতভাবে উন্নয়নকৃত কোন স্থান বা স্থাপনা যাহা, অন্যকোন সেবা, সুবিধা বা উপযোগিতা প্রদান করা হউক বা না হউক, পণের বিনিময়ে ভাড়া দেওয়া হয় এবং ইজারা প্রদত্ত না হইলে কোন ঐতিহাসিক স্থানও ইহার অন্তর্ভুক্ত হইবে।
So৬৫	So৬৫.০০	ভবন, মেঝে ও অংগন পরিষ্কার বা রক্ষণাবেক্ষণকারী সংস্থা : ব্যাখ্যা।— “ভবন, মেঝে ও অংগন পরিষ্কার বা রক্ষণাবেক্ষণকারী সংস্থা” অর্থ পণের বিনিময়ে সরকারী, আধাসরকারী, স্বায়ত্বশাসিত প্রতিষ্ঠান, বেসরকারী সংস্থা (এনজিও), ব্যাংক, বীমা বা লিমিটেড কোম্পানীর আন্তর্জাতিক সংস্থার ভবন, মেঝে ও অংগন পরিষ্কারের কার্যে নিয়োজিত কোন ব্যক্তি, প্রতিষ্ঠান বা সংস্থা।
So৬৬	So৬৬.০০	লটারীর টিকিট বিক্রয়কারী : ব্যাখ্যা।— “লটারীর টিকিট বিক্রয়কারী” অর্থ এমন কোন ব্যক্তি, সংস্থা বা প্রতিষ্ঠান যিনি কমিশনের বিনিময়ে সকল প্রকার লটারীর টিকিট বিক্রয় করিয়া থাকেন।
So৬৭	So৬৭.০০	ইমিগ্রেশন উপদেষ্টা : ব্যাখ্যা।— “ইমিগ্রেশন উপদেষ্টা” অর্থ এমন কোন ব্যক্তি বা প্রতিষ্ঠান বা সংস্থা যিনি বা যাহারা বিদেশ গমন বা বিদেশী নাগরিকত্ব লাভের উদ্দেশ্যে পণের বিনিময়ে কোন ব্যক্তি বা সংস্থাকে কোন পরামর্শ প্রদানসহ প্রত্যক্ষ বা পরোক্ষভাবে উক্ত বিষয় সম্পর্কিত কোন কার্যনির্বাহ করিয়া থাকেন।”
So৬৮	So৬৮.০০	কোচিং সেন্টার : ব্যাখ্যা।— “কোচিং সেন্টার” অর্থ এমন কোন ব্যক্তি বা প্রতিষ্ঠান বা সংস্থা যিনি পণের বিনিময়ে বিভিন্ন শিক্ষা প্রতিষ্ঠানে ভর্তি,

		পরীক্ষায় উন্নত ফলাফল লাভ, বিদেশী ভাষা শিক্ষা ও দক্ষতা অর্জন, চাকুরী পাওয়ার উদ্দেশ্য এবং প্রতিযোগিতামূলক পরীক্ষায় ভালো ফলাফলের জন্য এককভাবে কিংবা এক বা একাধিক সহযোগী সহযোগে যে কোন স্থানে বা সেন্টারে বা প্রতিষ্ঠানে ছাত্র-ছাত্রী বা ব্যক্তি-বর্গকে প্রশিক্ষণ বা পাঠদান করিয়া থাকেন। GMAT, GRE, TOEFL ও IELTS প্রশিক্ষণও ইহার অন্তর্ভুক্ত হইবে।
S০৬৯	S ০৬৯.০০	ইংলিশ মিডিয়াম স্কুল : ব্যাখ্যা।- “ইংলিশ মিডিয়াম স্কুল” অর্থ এইরূপ কোন শিক্ষা প্রতিষ্ঠান যেখানে পণের বিনিময়ে আন্তর্জাতিক পাঠ্যক্রম অনুসারে ইংরেজী ভাষায় পাঠ দান করা হয়। জাতীয় শিক্ষাক্রম অনুসারে ইংরেজী মাধ্যমের (Version) শিক্ষা ইহার আওতা বহির্ভূত হইবে।
S০৭০	S০৭০.০০	বেসরকারী বিশ্ববিদ্যালয় এবং মেডিকেল ও ইঞ্জিনিয়ারিং কলেজ :
	S০৭০.১০	বেসরকারী বিশ্ববিদ্যালয়ঃ ব্যাখ্যা।- “বেসরকারী বিশ্ববিদ্যালয়” অর্থ এইরূপ কোন বেসরকারী প্রতিষ্ঠান যেখানে পণের বিনিময়ে পাঠদান শেষে স্নাতক ও স্নাতকোত্তর ডিগ্রী প্রদান করা হইয়া থাকে।”
	S০৭০.২০	বেসরকারী মেডিকেল ও ইঞ্জিনিয়ারিং কলেজ : ব্যাখ্যা।- “বেসরকারী মেডিকেল ও ইঞ্জিনিয়ারিং কলেজ” অর্থ এইরূপ কোন বেসরকারী প্রতিষ্ঠান যেখানে পণের বিনিময়ে পাঠদান শেষে মেডিকেল বা ইঞ্জিনিয়ারিং বিষয়ে স্নাতক ও স্নাতকোত্তর ডিগ্রী প্রদান করা হইয়া থাকে।”
S০৭১	S ০৭১.০০	অনুষ্ঠান আয়োজক : ব্যাখ্যা।- “অনুষ্ঠান আয়োজক” অর্থ এমন কোন ব্যক্তি, প্রতিষ্ঠান বা সংস্থা যিনি বা যাহারা, বাণিজ্যিক ভিত্তিতে অপর কোন ব্যক্তি বা প্রতিষ্ঠানের যে কোন ধরনের অনুষ্ঠান আয়োজনে সহায়তা করে থাকেন।
S০৭২	S ০৭২.০০	মানব সম্পদ সরবরাহ বা ব্যবস্থাপনা প্রতিষ্ঠানঃ ব্যাখ্যা।- “মানব সম্পদ সরবরাহ বা ব্যবস্থাপনা” অর্থ কোন সরকারী, বেসরকারী, স্বায়ত্বশাসিত প্রতিষ্ঠান বা লিমিটেড কোম্পানীতে সুনির্দিষ্ট কাজ সম্পাদনের লক্ষ্যে বা সামগ্রিক ব্যবস্থাপনার লক্ষ্যে চুক্তির ভিত্তিতে পণের বিনিময়ে দক্ষ, অদক্ষ জনশক্তি সরবরাহ বা দাপ্তরিক সেবা প্রদানকারী কোন ব্যক্তি, প্রতিষ্ঠান বা সংস্থা।
S০৭৩	S ০৭৩.০০	জনশক্তি রপ্তানিকারী প্রতিষ্ঠান : ব্যাখ্যা।- “জনশক্তি রপ্তানীকারী প্রতিষ্ঠান” অর্থ এমন কোন ব্যক্তি, প্রতিষ্ঠান বা সংস্থা যিনি বা যাহারা, জনশক্তি বা কর্মসংস্থান ব্যুরো বা সমজাতীয় অন্য কোন কর্তৃপক্ষের অধীনে

		তালিকাভুক্ত/নিবন্ধিত হইয়া বাংলাদেশ হইতে বিদেশে কিংবা বিদেশ হইতে বাংলাদেশে লোকবল নিয়োগে বিভিন্ন দপ্তরের মধ্যে সমন্বয় সাধনসহ কমিশন/চার্জ/ফি এর বিনিময়ে ভিসা প্রসেসিং ও অন্যান্য দাপ্তরিক সেবা প্রদান করেন।
So৭৪	So৭৪.০০	স্থান ও স্থাপনা ভাড়া গ্রহণকারী: ব্যাখ্যা।- “স্থান ও স্থাপনা ভাড়া গ্রহণকারী” অর্থ পণের বিনিময়ে কোন স্থান বা স্থাপনা কোন নির্দিষ্ট মেয়াদের জন্য বাণিজ্যিকভাবে ব্যবহার করার অধিকারী কোন ব্যক্তি, প্রতিষ্ঠান বা সংস্থা। নির্দিষ্ট মেয়াদান্তে নবায়নযোগ্য উৎকৃষ্ট সুবিধা অর্জনও ইহার অন্তর্ভুক্ত হইবে। তবে সম্পূর্ণ আবাসিক কাজে ব্যবহারের জন্য প্রদত্ত সুবিধা এবং বাণিজ্যিক উদ্দেশ্যে ব্যবহৃত অনধিক ১৫০ বর্গফুট আয়তনের কোন স্থাপনা ইহার অন্তর্ভুক্ত হইবে না।
So৭৫	So৭৫.০০	স্টক ও সিকিউরিটি ব্রোকার: ব্যাখ্যা।- “স্টক ও সিকিউরিটি ব্রোকার” অর্থ কমিশনের বিনিময়ে কোন বেনিফিসিয়ারী ওনার’স একাউন্টসধারী ব্যক্তি বা প্রতিষ্ঠানের পক্ষে শেয়ার ক্রয়-বিক্রয় কার্যে নিয়োজিত কোন ব্যক্তি বা প্রতিষ্ঠান বা সংস্থা।
So৭৬	So৭৬.০০	সামাজিক ও খেলাধুলা বিষয়ক ক্লাব: ব্যাখ্যা।- “সামাজিক ও খেলাধুলা বিষয়ক ক্লাব” অর্থ গলফ ক্লাব, রেসিং প্রেস, ফ্লাইং ক্লাব, ড্রাইভিং ক্লাবসহ এমন কোন সামাজিক অথবা খেলাধুলা বিষয়ক সংগঠন বা সংস্থা বা প্রতিষ্ঠান যাহার সদস্যপদ গ্রহণ করিতে হইলে ১০,০০০/- টাকার উর্ধ্বে ফি প্রদান করিতে হয় অথবা মাসিক ৫০০/- টাকার উর্ধ্বে চাঁদা প্রদান করিতে হয় এবং যেখানে পণের বিনিময়ে অন্যান্য সেবা সরবরাহ করা হয়। তবে ফুটবল, ক্রিকেট, হকি, ভলিবল, কাবাডি, বাস্কেটবল, হ্যান্ডবল ইত্যাদি খেলাসহ অলিম্পিক গেমসের অন্তর্ভুক্ত সকল ইভেন্ট ইহার আওতা বহির্ভূত হইবে।
So৭৭	So৭৭.০০	ট্যুর অপারেটর: ব্যাখ্যা।- “ট্যুর অপারেটর” অর্থ এমন কোন ব্যক্তি, প্রতিষ্ঠান বা সংস্থা যিনি বা যাহারা, বাণিজ্যিক ভিত্তিতে অপর কোন ব্যক্তি বা প্রতিষ্ঠানের দেশে বা বিদেশে যে কোন ধরনের ভ্রমণ আয়োজনে সহায়তা করে থাকেন।
So৭৮	So৭৮.০০	নিজস্ব ব্রান্ড সম্বলিত তৈরী পোশাক বিপনন কেন্দ্র: ব্যাখ্যা।- “নিজস্ব ব্রান্ড সম্বলিত তৈরী পোশাক বিপনন কেন্দ্র” অর্থ এমন কোন ব্যক্তি, প্রতিষ্ঠান বা সংস্থা যিনি বা যাহারা, নিজস্ব ব্রান্ড বা ট্রেডমার্ক ব্যবহার করিয়া পরিধেয় পোশাক নিজস্ব অথবা চুক্তিভিত্তিক কারিগরের দ্বারা উৎপাদন অথবা আমদানি করিয়া নিজস্ব শো-রুম বা বিপনন কেন্দ্র থেকে পণের বিনিময়ে বিক্রয় করেন।

So৯৯

So৯৯.০০

বিবিধঃ

ব্যাখ্যা।- “বিবিধ” অর্থ এই প্রজ্ঞাপনে সংজ্ঞায়িত করা হয়নি এমন কোন সেবা যা মূল্য সংযোজন কর আইন, ১৯৯১ এর দ্বিতীয় তফসিলের অন্তর্ভুক্ত নয় এবং একই আইনের ধারা ১৪ অনুযায়ী অব্যাহতিপ্রাপ্ত নয়, তাহা এই সেবার কোডের অন্তর্ভুক্ত হইবে।”।

জাতীয় রাজস্ব বোর্ডের আদেশক্রমে,

[ এ. কে. এম. মাহবুবুর রহমান ]  
দ্বিতীয় সচিব (মুসক নীতি ও বাজেট)